



2020 йил 10.03

Когон шаҳри

№ 143

**Туман ҳудудидаги юридик ва жисмоний шахсларга тегишли
автомототранспорт воситалари ва уларнинг тиркамаларини
мажбурий техник кўриқдан ўтказиш тўғрисида**

Ўзбекистон Республикасининг “Йўл ҳаракати хавфсизлиги тўғрисида”ги Қонуни (Ўзбекистон Республикаси қонун ҳужжатлари тўплами, 2013 й., 15-сон, 197-модда) ҳамда Ўзбекистон Республикаси Вазирлар Маҳкамасининг 2003 йил 31 январдаги 54-сонли “Транспорт воситаларини мажбурий техник кўриқдан ўтказиш тартиби тўғрисидаги низомни тасдиқлаш ҳақида”ги қарорига (Ўзбекистон Республикаси қонун ҳужжатлари тўплами, 2003 й., 1-2-сон, 17-модда) мувофиқ туманда йўл ҳаракати хавфсизлигини таъминлаш мақсадида,

ҚАРОР ҚИЛАМАН:

1. Туман ички ишлар бўлими (Ғ.Жалилов) белгиланган тартибда ДЙХХХ органларида рўйхатдан ўтказилган юридик ва жисмоний шахсларнинг транспорт воситаларини мажбурий техник кўриқдан ўтказиш ишларини ташкиллаштирсин.

2. Ўзбекистон Республикаси Вазирлар Маҳкамасининг 2017 йил 22 декабрдаги 1010-сонли қарорига мувофиқ 2020 йил 1 январдан бошлаб транспорт воситаларини мажбурий техник кўриқдан ўтказишда жисмоний шахсларга тегишли енгил автотранспорт воситаларининг техник ҳолати тадбиркорлик субъектлари-юридик шахслар томонидан ҳам текширилиши мумкинлиги белгиланганлиги инобатга олинсин.

3. Транспорт воситалари қуйидаги даврийликка мувофиқ техник кўриқдан ўтказилсин:

а) тижорат асосида йўловчилар ташиш учун фойдаланиладиган енгил автомобиллар, автобуслар ва ўтириладиган жойлар сони 8 та ва ундан ортиқ бўлган (хайдовчининг ўрнидан ташқари), одамларни мунтазам ташиш учун жиҳозланган юк автомобиллари, йирик габаритли, оғир вазнли ва хавфли юкларни ташиш учун махсус транспорт воситалари ва уларга тиркамалар — бир йилда икки марта;

б) ишлаб чиқарилганлигига беш йилдан кўп бўлмаган (ишлаб чиқарилган йили ҳам шу жумлага киради) транспорт воситалари (мазкур банднинг «а» кичик бандида кўрсатилган транспорт воситаларидан ташқари) — икки йилда бир марта;

в) ишлаб чиқарилган йилини ҳисобга олган ҳолда ишлаб чиқарилганлигига беш йилдан ортиқ бўлган транспорт воситалари, шунингдек ишлаб чиқарилган вақти аниқланмаган транспорт воситалари (мазкур банднинг “а” кичик бандида кўрсатилган транспорт воситаларидан ташқари) — бир йилда бир марта;

г) тиркамалар кўрикка транспорт воситаси — шатакчи учун белгиланган муддатларда.

д) навбатдаги техник кўриқдан ўтказишнинг илгари ўрнатилган муддатларидан катъий назар, уларни ДЙХХХ органларида рўйхатдан ўтказиш (кайта рўйхатдан ўтказиш) вақтида;

е) улар ишлаб чиқарилган йилдан катъий назар, ДЙХХХ органларида рўйхатдан ўтказилган (кайта рўйхатдан ўтказилган) кундан бошлаб бир йил ўтгач (мазкур банднинг “а” кичик бандида кўрсатилганлардан ташқари).

4. Мазкур қарорнинг 3-банди “а” кичик бандида кўрсатилган транспорт воситаларининг техник кўриги:

биринчи марта — 1 мартдан 30 июнгача;

иккинчи марта — 1 сентябрдан 31 октябргача ўтказилсин.

Юридик шахсларга қарашли бўлган транспорт воситаларининг техник кўриги 1 мартдан 30 июнгача;

Жисмоний шахсларга қарашли бўлган транспорт воситаларининг техник кўриги 1 январдан 31 августгача ўтказилсин.

5. Транспорт воситалари ДЙХХХ органлари томонидан техник кўриқдан ўтказилганлиги учун Ўзбекистон Республикаси Ички ишлар вазирлигининг Ўзбекистон Республикаси Молия вазирлиги билан келишилган ҳолдаги тасдиқланган миқдорда йиғим ундирилади.

Техник кўриқ ўтказилганлиги учун йиғим суммаси тегишли маҳаллий бюджетга ўтказилсин.

6. Техник кўриқни ўтказиш жадвали 1-иловага;

техник кўриқни ўтказиш бўйича комиссиянинг таркиби 2-иловага мувофиқ тасдиқлансин.

7. Техник кўриқни ўтказиш бўйича комиссия раиси (Ш.Хўжаев)га:

юридик шахсга техник кўриқ ўтказиладиган муддатлар тўғрисидаги билдиришнома юбориш;

техник кўриқ ташкилотларда, диагностика станцияларида ва техника хизмати кўрсатиш станцияларида иш вақтида, техник назорат постларида иш кунларининг кундузги ва тунги вақтларида ёки ҳафтанинг дам олиш кунларидан бирида ўтказиш;

техник кўриқдан ўтказишда техник жиҳатдан носоз деб топилган транспорт воситасининг, шунингдек техник ҳолати белгиланган талабларга жавоб бермайдиган ёки тегишли рухсатномасиз қайта жиҳозланган транспорт воситаларининг камчиликлари ва носозликларни бартараф этиш бўйича белгиланган тартибда тегишли чораларни кўриш вазифалари юклатилсин.

8. Мазкур қарор “Когон ҳаёти” газетасига эълон қилиниб, ҳокимликнинг расмий веб-сайтига жойлаштирилсин ва давлат ҳисобига олиш учун вилоят адлия бошқармасига тақдим этилсин.

9. Ушбу қарор расмий эълон қилинган кундан эътиборан кучга киради.

10. Қарорнинг бажарилишини назорат қилиш туман ҳокимининг ўринбосари Ш.Хўжаев зиммасига юклатилсин.

Туман ҳокими в.б



М.Эсанов

Туман ҳокимининг 2020 йил 10.03 даги
142 -сонли қарорига 2-илова



Техник кўрикни ўтказиш бўйича комиссия

ТАРКИБИ

Комиссия раиси:-

Ш.Хўжаев - Когон туман ҳокимининг ўринбосари

Аъзолари:-

А.Чандиров - Когон туман ИИБ ЙҚХГ катта инспектори,
лейтенант

А.Рашидов - Когон туман Агроинспекцияси бошлиғи

И.Эшов - Маҳалла ва оилани қўллаб-қувватлаш Когон туман бўлими
бошлигининг ўринбосари

И.Исмоилов - “Авто Синов Газ сервис” МЧЖ техник кўриқдан ўтказиш
Диагностика маркази бошлиғи

Б.Жумаев - Когон тумани “Автомotoҳаваскорлар” НТМШК
бошлиғи

Р.Холмедов - Когон туман Мудофаа ишлари бўйича бўлими
бошлиғи